



एह आकाशवाणी जम्मू ऐ, बडलै खबरें च तुंदा सुआगत, पैहले खास-खास खबरें कन्नै पवन कुमार:-

Headlines

- जम्मू-कश्मीर दे पुर्नगठन सरबंधी बिल सने कुल 4 महत्वपूर्ण विधेयकें गी अज्ज लोकसभा च पेश कीता जाहगा।
- लैफ्टिनेंट गवर्नर मनोज सिन्हा होरें श्री माता वैष्णो देवी युनिवर्सिटी दे 22में स्थापना दिवस पर कल उदघाटनी भाषण दिता।
LG होरें किश्तवाड़ ते कठुआ च कुदरती क्रोपियें दी मारै हेठ आए दे लोकें दी आबादकारी दा बी भरोसा दोआया।
- मुखमंत्रि उमर अब्दुल्ला होरें बदहाल त्रासदी दे पीड़ितें लेई माली मदाद दी मंजूरी दिती ऐ।
- सेहत मंत्री स्कीना इत्तू होरें जम्मू च अस्पतालें दा निरीक्षण करियै बेहतरिन ढांचे ते आला दर्जे दी डाक्टरी सेवाएं दा यकीन दोआया ऐ।
- जम्मू च भारी बरखा करी केंई थाहरें पर पानी जमा होने ते गड़डियें दे जाम दी समस्या पेश आई ऐ। मौसम विभाग नै अगले 2-3 दिन लगातार बरखा दी चेतावनी जारी कीती ऐ।



हून खबरें दी तफसील कन्नै विजय बजाज:-



LS JK Reorg Bill

जम्मू-कश्मीर दे पुर्नगठन सरबंधी संशोधन बिल गी अज्ज लोकसभा च पेश कीता जाहगा। संसदी मामलें सरबंधी मंत्रालय आसेया जारी अधिकारिक जानकारी मुजब, अज्ज सदन च 3 होर बिल पेश कीते जागंन, जिंदे च संविधान संशोधन बिल, केन्द्र शासित प्रदेशों दी सरकार सरबंधी संशोधन बिल ते Online Gaming गी बढ़ावा देने ते ओदे नियमन सरबंधी बिल शामिल न। लोकसभा दे अज्जै दे एजेंडें च 3 संशोधन बिलें- संविधान, केन्द्र शासित प्रदेशों ते जम्मू-कश्मीर दे पुर्नगठन सरबंधी बिलें गी संसद दे दौने सदनें दी इक सांझी कमेटी गी व्यापक सोच-विचार लेई भेजने दा प्रस्ताव बी शामिल ऐ। गृह मंत्री अमित शाह होर एकडे 3 बिलें गी संसद च पेश करगंन।



LG SMVDU

लैफ्टिनेंट गवर्नर मनोज सिन्हा होरें कल विडियो कांफ्रेस दे राहें श्री माता वैष्णो देवी युनिवर्सिटी दे 22में दीक्षांत समारोह गी सम्बोधित कीता। श्री माता वैष्णो देवी युनिवर्सिटी गी ज्ञान ते नमियें काहड़ें दी इक लौ करार दिंदे होई LG होरें 5एं बरें दे अनुबंध पर कम्म करै करदे गैर-शिक्षक अमले दियें सेवाएं गी पक्का करने दा ऐलान कीता। श्री सिन्हा होरें राष्ट्री शिक्षा नीति दे मुजब,

युनिवर्सिटी दे जतने दी सराहना कीती ते विद्यार्थिये गी गुजारश कीती जे ओह राष्ट्र निर्माण च अपना योगदान देन। उने किशतवाड ते कठुआ च कुदरती क्रोपिये करी, जान मुहाने आले गी श्रद्धांजलि दिंदे होई बेघर होए दे लोके दी आबादकारी दा भरोसा बी दोआया। इस मौके पर बोलदे होई श्री सिन्हा होरे आक्खेया:-



LG Water Sports Mascot (Byte)

उप-राज्यपाल मनोज सिन्हा होरे रोमांच ते ऊर्जा दा प्रतीक Vibrant Himalayan Kingfisher थमां प्रेरित Khelo India Water Sports Festival-2025 दे शुभांकर कन्ने मलाटी कीती। उप-राज्यपाल होरे कल श्रीनगर दी मशहूर डल-झील च शुरु होने आहले इस त्रै दिन दे आयोजन लेई Sports Authority of India, J&K Sports Council ते इस आयोजन च हिस्सा ले रदे सब्भने गी शुभकामनां दितियां न। 28 राज्ये ते केन्द्र शासित प्रदेशे थमां 800 थमां शा मते Athlete बक्ख-बक्ख मकाबले च हिस्सा लेगन। इस महोत्सव च Water Skiing, Dragon Boat, Acting ते Shikara Race जनेह कार्यक्रमे दा बी प्रदर्शन कीता जाग। इस बारे जानकारी दिंदे होई Water Sports Coach साईमा होरे आक्खेया



CM Badhaal

मुख्यमंत्री उमर अब्दुल्ला होरे पिच्छले दिसम्बर महीने राजौरी जिले च होए दे बदहाल हादसे च अपनी जान मोआई देने आहले आस्तै मुख्यमंत्री राहत कोश थमां 30 लक्ख रपे दी मंजूरी दिती ऐ। इस हादसे च 13 बच्चे सने 17एं जने दी जान चली गई ही। इस माली मदाद दा मकसद इस हादसे च अपनी जान मोआई देने आहले दे परोआर गी इस दुख चां बाहर कड्डिये उनेगी परतिये खडेरेने च मदद करना ऐ। बददल दे MLA, जावेद इकबाल चौधरी होरे मुख्यमंत्री हुंदा इस मदाद लेई धन्नवाद कीता ऐ।



CM Education

मुख्यमंत्री उमर अब्दुल्ला होरे जम्मू-कश्मीर दे सरकारी स्कूले दा स्तर उस हददे तोड़ी उबड़ा चुक्कने दी फौरी जरुरते पर जोर पाया ऐ- जेडे स्तर पर माता-पिता अपने बच्चे दी शिक्षा लेई स्कूले गी चुनना पसंद करदे न। श्रीनगर दे SKICC च राष्ट्री शिक्षा नीति बारे लोआए गेदे इक सम्मेलन च बोलदे होई मुख्यमंत्री होरे समाज दे विकास लेई शिक्षा ते सेहत गी मुख्ख बुनियादी थम्म करार दिता। मुख्यमंत्री होरे एकडे खेतरे बक्खी सरकार आसेया दिते जा रदे खास ध्यान पर लौ पांदे होई- शिक्षा कन्ने जुडे दे सब्भने सरबंधत धडे गी गुजारश कीती जे ओह पूरी निष्ठा कन्ने कम्म करन। उने आक्खेया जे शिक्षा ते सेहत सरबंधी मजबूत विकास पैहलकदमियां-छड़ा अपने दम उप्पर लोके गी लाह नेई पुजाई सकदियां



ते हून बाकि दिएं खबरें कन्नै पवन कुमार :-



Itoo Healthcare (Byte)

सेहत मंत्री स्कीना इतू होरें गांधी नगर आले सरकारी अस्पताल ते जम्मू दे G.B. पंत अस्पताल दा दौरा करिये- उत्थे इलाज-मुआलजे ते मरीजें दी सेहत दिक्खभाल सुविधाएं दा जायजा लैता। इस मौके पर विधायक विक्रम रंधावा ते सेहत मैहकमे दे आला अफसर बी उन्दे कन्नै हे। इस मौके पर मंत्री होरें अस्पताल दे मुख्ख विभागें दा निरीक्षण करदे होई- उत्थे तैनात डाक्टरें- अमले ते मरीजें कन्नै गल्लबात बी कीती। मंत्री होरें सेहत सरबंधी ढांचे च सुधार ते साफ-सफाई बक्खी चेचा ध्यान देने दी जरूरतें पर जोर पाया। इतू होरें मैडिकल सेवाएं दा दर्जा बधाने दा यकीन दोआंदे होई- सरबंधत अधिकारियें गी निर्देश दिता जे ओह 200 बिस्तरें दी समर्थ आले मातृत्व ते शिशु सेहत ब्लाक दा उचित इस्तेमाल यकीनी बनान। मंत्री होरें जम्मू-कश्मीर च सब्भनं गी किफायती ते पुज्जत आली सेहत सेवां उपलब्ध करोआने दी सरकार दी वचनबद्धता गी फही पक्का कीता। उनें आक्खेया.....(बाईट)



Chasoti Bharti Visit (Byte)

उपराज्यपाल मनोज सिन्हा हुंदे निर्देश उप्पर Principal Secretary Home चंद्राकर भारती होरें किश्तवाड़ दे चसोती गां दा दौरा लाया ते उत्थे बददल फटने मगरा चला रदे बचाव ते राहत कम्में दा जायजा लैता। इस दौरान उनें वरिष्ठ अधिकारियें कन्नै स्थिति दा मुआयना कीता ते मकामी लोकें कन्नै गल्लबात कीती। उनें प्रभावत परोआरें दी फौरी जरूरतें दी समीक्षा कीती तां जे समें-सिर राहत ते पुनर्वास यकीनी बनाया जाई सकै। प्रधान सचिव होरें सब्भनं मैहकमे गी आक्खेया ऐ जे ओ आपदा प्रभावित इलाकें च बचाव अभियानें लेई रलियै कम्म करन।



Mission Yuva (Byte)

जिला प्रशासन पुंछ नै रोजगार मैहकमे कन्नै रलियै “मिशन युवा” दे तैहत 98 युवा दूतें लेई इक दिने दे Training –Cum- Orientation कार्यक्रम दा आयोजन डॉक बंगले पुंछ च कीता गया। इस कार्यक्रम दी अध्यक्षता Joint Director Employment Paramjeet Singh ते ADDC पुंछ Pankaj Magotra होरें कीती। इस कार्यक्रम दा मकसद युवा दूतें गी बक्ख-बक्ख सरकारी योजनाएं बारे जानकारी देना हा। अधिकारियें प्रशासन गी युवाएं कन्नै जोड़ने च युवा दूतें दी अहम भूमिका उप्पर लौ पाई। इस पैहलकदमी गी जमीनी स्तर उप्पर बेरोजगारी कन्नै निबड़ने लेई इक बड्डी गें दे तौरा उप्पर दिक्खेया जा रदा ऐ। इस मौके उप्पर बोलदे होई Joint Director Employment Paramjeet Singh होरें आक्खेया



Weather

जम्मू दे बक्ख-बक्ख थाहरें अज्ज बड्डलैं थमां गैं भारी बरखा पवा रदी ऐ- जेदे कारण लोकें गी ट्रैफिक जाम ते जगह-जगह पानी किट्ठा होने जनेही मुश्कलें दा सामना करना पवा रदा ऐ। भारतीय मौसम विभाग नै अगले 2-3 दिनें तक्कर जम्मू-कश्मीर च भारी बरखा होने दी पेशगोई कीती ऐ। अधिकारियें लोकें गी ऐहतियात बरतने ते बगैर जरूरत दे सफर नेंई करने लेई आक्खेया ऐ।

